

## **Kommunini suliffissaqartitsiniutinut tapiissutit pillugit Namminersornerullutik Oqartussat nalunaarutaat nr. 42, 28. september 1994-imeersoq**

Suliffissarsiuussisarneq pillugu Inatsisartut peqqussutaanni nr. 11-mi, 16. december 1988-imeersumi § 19, imm. 2 tunngavigalugu makku aalajangersarneqarput:

### **Kapitali 1.**

Siunertaq aalajangersakkallu tamanut atuuttut

§ 1. Suliffissaaleqineq suliffissarsiuussinikkut ikiorserneqarsinnaanngitsaq akiorniarlugu Naalackersuisut siunertanut makkununga tapiissuteqarsinnaapput:

- 1) Suliffinnik pilersitsineq aammalu sullivinnik pioreersunik ataavartitsineq.
- 2) Suliffissaaleqileriarernerup nalaani suliffinnik pilersitsineq.
- 3) Inuussutissarsiornikkut misileraanernik ingerlataqarnermut atatillugu suliffinnik pilersitsineq.

Imm. 2. Naalackersuisut tapiissutaat suliassanut makkununga tapiissutaapput:

- 1) Kommunini suliassat pilersinneqarnerini ingerlanneqarnerinilu koinmunimit tamakkiisumik aningaasalersugaasunut.
- 2) Suliassanut namminersortunit ingerlanneqartunut inuiaqatigiinnut pingaaruteqartunut, suliffeqarfiup suliassaq ingerlatsinermigut aningaasalersorsinnaangippagu.

§ 2. Suliassanut § 1, imm. 2, nr. 1-mi taaneqartunut, sulisartut ilinniaqaqarsimannngitsut nalunaaquttap akunnermusiaasa feriernerminilu aningaasarsiaasa sukkulluunniit atuuttut 50 %-iinik Naalackersuisut tapiisarput, sulisartut ilinniagaqarsimasut ilinniagaqarsimannngitsullu nalunaaquttamut akunnermusiaat pillugit SIK-p isumaqatigiissutai naapertulugit.

Imm. 2. Illuatungeriit isumaqatigiissuteqareernerisigut sulinermi akissarsiat nioqutissiarineqartut naapertorlugit naatsorsorneqarsimasunut 50 %-iinik Naalackersuisut tapiissuteqarsinnaapput.

Imm. 3. Sulinermi akissarsiat sinneri kommunimit aningaasaliiffiqineqassapput.

§ 3. Suliassanut § 1, imm. 2, nr. 2-mi taaneqartunut, sulisartut ilinniagaqarsimannngitsut nalunaaquttamut akunnermusiaasa feriepengiisalu sukkulluunniit atuuttut 33 1/3 %-iinik Naalackersuisut tapiisarput, sulisartut ilinniagaqarsimasut ilinniagaqarsimannngitsullu akunnermusiaat pillugit SIK-p isumaqatigiissutai naapertorlugit.

Imm. 2. Illuatungeriit isumaqatigiissuteqareernerisigut nioqutissiarineqartut naapertorlugit sulinermi akissarsiat naatsorsorneqarsimasunut 33 1/3 %-imik Naalackersuisut tapiissuteqarsinnaapput.

Imm. 3. Sulinermi akissarsiat 33 1/3 %-ii kommunip pineqartup aningaasaliiffiqissavai, suliffeqarfiullu namminersortumik ingerlanneqartup taakkua sinneri aningaasaliiffiqissallugit.

§ 4. Suliassanut § 1, imm. 2, nr. 1-mi taaneqartunut Naalackersuisut kommunilu, immikkut ittunik

pissutissaqartillugu, sulinermi akissarsiat aningaasaliiffigineqarnissaasa allaasumik agguataarneqarnissaannik isumaqatigiissuteqarsinnaapput, § 2-mi maleruaqqusamit allaasumik.

Imm. 2. Suliassanut § 1, imm. 2, nr. 2-mi taaneqartunut Naalakkersuisut, kommuni suliffeqarfillu akunnerminni sulinermi akissarsiat aningaasaliiffiginerisa allaasumik agguataarneqarnissaat isumaqatigiissutigisinnaavaat, § 3-mi maleruaqqusamit allaasumik.

**§ 5.** Suliassanut § 1, imm. 2, nr. 2-mi taaneqartunut mandetiimimut ataatsimut aalajangersakkamik Naalakkersuisut tapiissuteqarsinnaapput.

## **Kapitali 2.**

Tapiiffigineqarnissami piimasaqaatit.

**§ 6.** Naalakkersuisut sulinermi akissarsianut tapiissuteqarneranni, kapitel 1 naapertorlugu, makku piimasaqaataapput:

- 1) Qinnuteqarfissaq naatinnagu tapiiffigineqarnissamik qinnuteqaat Isumaginninnermut Suliffeqarnermullu Pisortaqarfimmu nassiunneqariissammat, § 10, imm. 2 aamma § 10, imm. 3 naapertorlugit,
- 2) tapiiffigineqarnissamik qinnuteqaammi piimasaqaatit, §§ 7-imi 9-imilu taaneqartut, naammassineqarsimassasut,
- 3) tapiissutit nioqqutissiorfinit pioreersunit nioqqutissiat piimaneqarnerannut suliffiilluunniit pioreersut kiffartuussinerannut annikillisaataasumik kinguneqassanngitsut,
- 4) tapiissutit STI-mi ilinniartut sungiusaatigalungu suliffigisinnaasaasa ikileriarnerannik kinguneqassanngitsut.

Imm. 2. Suliassanut § 1, imm. 2, nr. 2-mi taaneqartunut piimasaqaatit Naalakkersuisunit, kommunimit suliffeqarfimmillu isumaqatigiissutigineqassapput.

## **Kapitali 3.**

Qinnuteqaatip imarisassanut piimasaqaatit.

**§ 7.** Tapiiffigineqarnissamik qinnuteqaat ataani taaneqartunik imaqartinneqassaaq:

- 1) Suliffissaqartitsiniutip qinnuteqaatigineqartup suunerata allaaserineqarnera, tassunga ilanngullugit:
  - a) suliffissaqartitsiniutip siunertaa pillugu nassuiaat,
  - b) suliffissaqartitsiniutigineqartumi suliassat suunerisa allaaserineqarnerat,
  - c) sulisut amerlassusaat,
  - d) sapaatip akunnikkaartumik piffissap suliffiup sivisussusaata nalunaarsorneqarnera, piffissamullu atussamaakkamut pilersaaruisaq,
  - e) suliffissaqartitsiniutip qanoq sivisutigisumik ingerlanissaa, aammalu
  - f) suliffissaqartitsiniutip ulluinnarni aqunneqarneranut tunngasutigut paasissutissat.
- 2) Paasissutissat akissarsianut aningaasartuutitut atorumaakkat annertussusaasa missingersuutaat,

naatsorsuinermi tunngavigineqassapput nalunaaquttap akunneri imaluunniit suliat annertussusaat naapertorlugit.

3) Suliffissaqartitsiniutip aningaasalersorneqarnera pillugu paasissutissat ilanngullugit pilersaarusiornermut, aqutsinermut, nakkutilliinermut, pilersaarutip siulersorneqarneranut, atortussanut sakkunullu aningaasartuutit.

**§ 8.** Suliassanut § 1, imm. 2, nr. 2-mi taaneqartunut tapiissuteqarnermi paasissutissat saniatigut ilanngussat allat suut saqqummiunneqassanersut Naalakkersuisut, kommunip suliffeqarfiullu isumaqatigiissutigissavaat.

**§ 9.** Kommunimi suliffissaqartitsiniutitut ingerlatsiviginiakkami qinnuteqaatip kommunalbestyrelsimit akuersissutigineqarsimanerata uppersaataanik takussutissaqassaaq.

#### **Kapitali 4.**

Qinnuteqaatit suliarineqartarnerini periaaseq.

**§ 10.** Tapiissutit pillugit qinnuteqaat Isumaginninnermut Suliffeqarnermullu Pisortaqarfimmu nassiunneqassaaq.

Imm. 2. Qinnuteqaat suliffissaqartitsiniutip ingerlanneqarnissaa ukiumik ataatsimik sioqqullugu kingusinnerpaamik 1. september Isumaginninnermut Suliffeqarnermullu Pisortaqarfiup tigoreersimassavaa.

Imm. 3. Aningaasaliissutinit sinneruttuusimasinnaasunik qinnuteqaat Isumaginninnermut Suliffeqarnermullu Pisortaqarfiup , ukiumi aningaasaliissutinit sinneruttunut tunngasumi kingusinnerpaamik 1. november tigoreersimassavaa.

Imm. 4. Immikkut pissutissaqartillugu imm. 2-mi 3 imilu qinnuteqarnissamut piffissaliussanut Naalakkersuisut immikkut akuersissuteqarsinnaapput.

Imm. 5. Suliffissaaleqartorfiup nalaani suliffeqarfinnit pilersinneqarsimasunit tapiiffigineqarnissamik qinnuteqaatit imm. 2-mi 3-imilu piffissaliussat apeqputaatinnagit Naalakkersuisut suliarisinnaavaat.

**§ 11.** Qinnuteqaatinut, § 10, imm. 2-mi piffissaliussat: naatinnagit tiguneqarsimasunut aalajangiinerit suliffissaqartitsiniutitut suliniutip ingerlanneqarnissaa ukiumik ataatsimik sioqqullugu kingusinnerpaamik 1. november Naalakkersuisut qinnuteqartunut nalunaarutigissavaat .

Imm. 2. Qinnuteqaatinut, § 10, imm. 3-mi piffissaliussaq naatinnagu tiguneqarsimasunut aalajangiinerit aningaasaliissutinit sinneruttuusimasinnaasunut tunngasut kingusinnerpaamik 15. november Naalakkersuisut qinnuteqartunut nalunaarutigissavaat ukiumi aningaasaliissutinit sinneruttunut tunngasumi.

**§ 12.** Suliassanut § 1, imm. 2, nr. 2-mi taaneqartunut tapiissutinik qinnuteqaatit suliarineqartarneranni periuseq Naalakkersuisut, kommunip suliffeqarfiullu akunnerminni isumaqatigiissutigissavaat.

#### **Kapitali 5.**

## Nalunaaruteqartussaataaneq.

§ 13. Suliffissaqartitsiniutip ukiumi ingerlanneqarfiani kingusinnerpaamik 1. november kommunalbestyrelsip Isumaginninnermut Suliffeqarnermullu Pisorta qarfirmut nalunaarutigissavaa ukiumi pineqartumi ukiup qaammataani pingasukkaartuni (kvartalini) siullerni pingasuni akunnerit tapiissuteqarfigineqarsimasut amerlassusiisa naatsorsorneqarnerat, paasissutissat makku ilanngullugit:

- 1) ukiup qaammataani pingasukkaartuni (Kvartalini) siullerni pi-ngasuni akunnerit tapiissuteqarfigineqartussatut akuersissutigineqarsimasut amerlassusaat,
- 2) ukiup qaammataasa pingasukkaartut (kvartalit) siulliit pingasut naanerini akunnerit tapiissuteqarfigineqarsimasut atorneqanngitsut amerlassusaat,
- 3) nalunaaquttap akunnerisa tapiissuteqarfigineqarsimasut atorneqarsimannginnerinut pissutaasoq, aamma
- 4) nalunaaquttap akunneri tapiissuteqarfigineqarsimasut atorneqarsimanngitsulli akuersissutigineqarlutik ukiup sinnerani atorneqarsinnaanersut.

Imm. 2. Atuisimanermut naatsorsuut imm. 1-imi piffissaliussaq naatinnagu Isumaginninnermut Suliffeqarnermullu Pisorta qarfiup tigusimanngippagu, ukiup qaammataani kingullerni pingasuni tapiissutit Naalakkersuisut utertissinnaavaat.

Imm. 3. Naalakkersuisut, kommunip suliffeqarfiullu nalunaaruteqaatissap annertussusaa aamma suliassanut § 1, imm. 2, nr. 2-imi taaneqartunut tapiissutit aaqqissuunneqarnerat isumaqatigiissutigissavaat.

## **Kapitali 6.**

### Aqutsineq.

§ 14. Kommunini suliassanut tapiissuteqarnermi, tak. § 1, imm. 2, nr. 1, suliffeqanngitsup akissarsiassai kommunip tamakkerlugit siumoortumik akilerallassavai. Utertitsivigeqqulluni qinnuteqaat nassiunneqartoq naapertorlugu, tapiissutit akuersissutigineqartut kommunimut utertinneqassapput.

Imm. 2. Suliffeqarfiit namminersortut suliassaannut inuiaqatigiinnut pingaarutilinnut tapiissuteqarnermi, tak. § 1, imm. 2, nr. 2, tapiissutit aqunneqarnerat Naalakkersuisut, kommunip suliffeqarfiullu akunnerminni isumaqatigiissutigissavaat.

§ 15. Qaammatit naaneri tamaasa nalunaaquttap akunneri akuersissutigineqarlutik tapiissuteqarfigineqarsimasut qaammammi pineqartumi atorneqarsimanerat pillugu paasissutissat kommunalbestyrelsip Isumaginninnermut Suliffeqarnermullu Pisorta qarfirmut nassiuttassavai.

Imm. 2. Isumaginninnermut Suliffeqarnermullu Pisorta qarfiup utertitsivigineqarnissamik qinnuteqaatip immersugassiai immikkut sularineqarsimasut atorlugit Qaammammut naatsorsuusiaq nassiunneqassaaq.

Imm. 3. Naalakkersuisut akilerallakkanik utertitsissagunik paasissutissanik makkunanga piumasaaqateqarsinnaapput:

- 1) suliffissaqartitsiniutip taaguutaata ilanngunneqarnissaa,
- 2) suliffissaqartitsiniummi suliassat nalunaarsorneqarnissaat,

- 3) suliffissaqartitsiniut illoqarfimmi nunaqarfimmiluunniit ingerlanneqarnermaq nalunaarneqassasoq,
- 4) utertitsivigineqarnissamik qinnuteqaammi piffissaq pineqartoq nalunaarutigineqassasoq,
- 5) sulinermi nal. akunneri atorneqarsimasut utertitsivigineqartussatut qinnuteqaatigineqartut qassiineri nalunaarlugit,
- 6) tapiissuteqarnermi suliffissaaleqisut sulisorineqartut aqqi aamma inuttut normui, aamma
- 7) kommunimut suliffeqarfimmulluunniit namminersortumut tapiissuteqarnissamik neriorsuuteqartoqarsimanersaq nalunaarutigineqassasoq.

**§ 16.** Utertitsivigineqaqqulluni qinnuteqaat Isumaginninnermut Suliffeqarnermullu Pisorta qarfiup, ukiup tapiissuteqarfiusup kingorna ukiumi nutaami kingusinnerpaamik 1. februar tigusi manngippagu kommunip tapiiffigineqarnissi annaassavaa.

**§ 17.** Kommunip suliffissaqartitsiniutaa peqqussutip matumap kinguneranik tapiissuteqarfigineqarsimasooq immi nut aningaasalersortutut inerinneqassagaluarpat, piffissami suliffissaqartitsiniutip immi nut aningaasalersulernerata kingornatigut tapiissutigineqartussatut akuersissutaasimangaluit Naalakkersuisut utertissinnaavaat.

**§ 18.** Peqqussutip matuma kinguneranik suliffissaqartitsiniutit tapiissuteqarfigineqarsimasut nakkutigineqarnissaat pitsaasumillu aqunneqarnissaat kommunalbestyrelsip akisussaaffigaa.

## **Kapitali 7.**

### **Atortuulersitsineq.**

**§ 19.** Nalunaarut manna 1. november 1994 aallarnerfigalugu atortuulersinneqarpoq.

Imm. 2. Tamatumunnga peqatigitillugu kommunini suliffissaqartitsiniarnermut tapiissutit pillugit Namminersornerullutik Oqartussat nalunaarutaat nr. 20, 20. juni 1986-imeersooq atorunnaarsinneqarpoq.

*Namminersornerullutik Oqartussat, ulloq 28/9 1994*

Henriette Rasmussen

/

Nukákuluk Kreutzmann